

HIERONYMUS.

ΕΥΣΕΒΙΟΣ.

EUSEBIUS.

GOG & MAGOG, è quibus exercitus Antichristi conflandus est, sunt Scythæ, quos nunc Tartaros vocamus. Vide à nobis dicta ad Gen. x. v. 2. ubi de *Magog*.

¹ GOIM IN GELGEL, quod *Aquila & Symmachus interpretantur gentes in Gelgel.* Γωϊν τῆς Γελγέλ, Ἀκύλας, εἰς τὸν ἑθνῶν Γελγέλ.

GOIN IPSIUS GELGEL, *Aquila* (vertit) sunt gentium Gelgel.

GOLAN. Vide GAULON.

² GOLATHAMAIM, locus qui interpretatur possessio aquæ.

Γολαθμαϊμ, τόπος ἐξημερεύεται...

GOLATHMAIM, locus interpretatur...

³ GOLGOL, quæ & Galgal, juxta quam montes esse scribuntur Garizim & Gebal. Galgal autem locus est juxta Hiericho. Errant igitur Samaritani, qui juxta Neapolim Garizim & Gebal montes ostendere volunt, cum ipsos juxta Galgal esse Scriptura testetur.

Γολγὼν, ἢ καὶ Γαλγάν. ταύτης εἶναι πολλοῖον ἢ γραφὴ διδάσκει τὸ Γαριζεῖν, καὶ τοῦ Γεβὰλ ὄρεος. ἢ δὲ Γάλγαλα τόπος ἐστὶ τῆς Ἱερικουῦς.

GOLGON, quæ & Galgan. Prope hanc scriptura docet esse Garizim, & juxta montem Gebal. Galgala verò locus est Hierichuntis.

⁴ GOLGOTHA, locus Calvarie in quo Salvator pro salute omnium crucifixus est, & usque hodie ostenditur in Ælia ad Septemtrionalem plagam montis Sion.

Γολγοθὰ, κρανίε τόπος, ἐνθα ὁ Χριστὸς ἐσταυρώθη, ὅς καὶ δείκνυται ἐν Ἀλίᾳ πρὸς τοῖς βορείοις τοῦ Σιὼν ὄρεος.

GOLGOTHA, Calvarie locus, ubi Christus crucifixus est, qui & monstratur Æliæ ad plagam septemtrionalem montis Sion.

⁵ GOMORRA, una de quinque civitatibus Sodomorum, quæ cum reliquis divina ultione subversa est.

Γομμορὰ, μία τῆς πενταπόλεως Σοδόμων, ἅμα ταῖς λοιπαῖς ἀφανισθεῖσα.

GOMMORA, una Pentapoleos Sodomorum, unâ cum reliquis deleta.

GOPHNA, vel *Guphna*, seu *Gufna* urbs & illustris ævo posteriori toparchia, cujus meminit Josephus sæpius, Hieronymus in hoc libro de locis Hebraicis semel & iterum in *Adasa* & *Gebin*. Hanc Hieronymus supra in *Adasa* in Ephraim reponit: suspicor tamen in tribu fuisse Benjamin, sed in tribus Ephraim confinio: non enim hæc videtur alia ab ea quæ *Ophni*, Jos. xviii. v. 24. appellatur, quæ vox cum initio scribatur per *y*, porro *y* sæpe per [g] verti soleat, verti potuit *Gophni*, quod à *Gophna* quàm parum intersit nemo non videt. Vide supra *Adasa*.

GORTYNA, Cretæ insulæ urbs mediterranea Ptolemæo, unaque è tribus ejus insulæ urbibus amplissimis Straboni.

GOSEN. Vide GOSON proximè.

⁶ GOSON, hanc expugnavit Jesus.

Γοσσὸν, καὶ ταύτην ἐπολιορκήσεν Ἰησοῦς.

GOSON, & hanc expugnavit Jesus.

⁷ GOZAN, in regione Emath:

Γωζάν, ἐν χώρᾳ Ἐμάθ. καὶ ταύ-

GOZATH, in regione Emath.

N O T A.

dicitur in Gob, 2 Reg. 21. idem 1 Paral. 20. v. 4. dicitur commissum in Gazer. De Gazer autem supra à nobis dictum. BONFRERIUS.

1. Ita verterunt Septuaginta Interpretes, vel potius Hebraicas voces retinuerunt, Jos. 12. v. 23. ubi pro eo quod Hieronymus dixit: rex gentium Galgal, ipsi dixerunt regem Goim Gelgel. Quis autem sit locus Galgal vel Gelgel supra in Gelgel diximus, imò nihil ferè diximus, cum nulla videatur suppetere via rem supra modum obscuram definiendi. Cur autem hic dictus sit rex Gentium conamur ibi supra ad Jos. 12. probabilem rationem adferre. IDEM.

2. Ex Hebræo sumpta vox, Jos. 15. v. 19. ubi habetur מַיִם וְגִלְגַּל לֹחַ מַיִם, hoc est *scaturigines aquarum*, pro quo Hieronymus dixit *irriguum*. Itaque illud *possessio aquæ* non explicat perfectè vim vocis. Sed hæ voces ad nomina propria nihil pertinent. IDEM.

3. Galgala in versione nostra dicitur, de qua & supra actum in voce Galgala. Porro studiosè nititur Eusebius persuadere montes Garizim & Gebal seu Hebal esse juxta Galgalam, quod tamen nullo modo admitti potest, ut ex iis liquet quæ supra diximus in Garizim & Gebal, itemque Deuter. 11. v. 29, 30. ubi & locum illum Scripturæ malè intellectum reperias, qui huic opinioni de Garizim & Hebal montibus juxta Galgala occasionem dedit. IDEM.

4. Mons Calvarie passim dicitur, sed Hebraicum nomen est, vel potius Syriacum Golgotha (quo utuntur Matth. Cap. 27. v. 33. & Marcus Cap. 15. v. 22.) quod *calvariam* significat; nisi quod litteram unam omittat tam Græcus quàm Latinus textus, ad vocis asperitatem, ut credi potest, tollendam: Syriacè enim ܩܠܓܬܐ *Galgatha* seu *Golgotha* dicitur, Hebraicè autem ܩܠܓܬܐ *galgoth* est calvaria. Fuit autem hic mons ad Occidentem urbis inferioris versus extremam ejus partem Septemtrionalem, atque adeo & ad Septemtrionem montis Sion: olim extra urbem, nunc urbis mœnibus inclusus est. Unde autem mons ille nomen illud acceperit, an à calvariis eorum qui ibi extremo supplicio affecti fuerant, an ab Adami calvaria dicendum in commentario ad Matthæum. Mihi ad eum locum placet cum plurimis Patribus dictum esse à calvaria Adami, etsi renitatur Hieronymus. IDEM.

5. Has omnes quinque civitates habes expressas, Gen. 14. v. 2. à quibus regio dicta *Pentapolis*: quatuor ex his incendio absumptas rursum nominat Moyses, Deuter. 29. v. 23. nam uni Segor in gratiam

Lot parcitum est. IDEM.

6. Gosen in versione nostra appellatur. Fuit urbs in tribu Juda, Jos. 15. v. 51. quantumque colligi potest, fuit in *Daroma* seu plaga maximè Australi Terræ Promissæ. Ab hac terra Gosen circumjecta regio appellatur, quam cepisse atque vastasse Josue scribitur, Jos. 10. v. 41. & Cap. 11. v. 16. IDEM.

7. Quid Gozan sit, fluvius, urbs, regio, obscurum est, neque hic de ea re quidquam definit Eusebius, neque è Scriptura certi aliquid colligere licet. Si Scripturæ loca hæc confulas, 4 Reg. 17. v. 6. & 1 Paral. 5. v. 26. existimabis Gozan fluvii nomen esse: fin alia loca expendas, Isaia 37. v. 12. & 4 Reg. 19. v. 12. præsertim verò 4 Reg. 18. v. 11. potius tibi persuadebis vel urbis, vel regionis nomen esse, & præcedentia illa nomina Hala & Habor fluviorum esse nomina. Inclino ego ut Hala & Habor urbium sint nomina, Gozan verò regionis seu provincie: cum autem dicitur in Scriptura fluvius Gozan, vel juxta fluvium Gozan, debere præponi comma, ut non referatur ad præcedentia nomina, Gozan verò sit genitivi casus: sic enim omnis difficultas, quæ videri possit nasci, è variis Scripturæ locis evacuatur. At ubi hæc regio? Eusebius hic constituit in regione Emath; at cum supra duplicem constituerimus Emath, unam ad extremos Terræ Promissæ terminos juxta Antilibanum, aliam in Syria, quæ alio nomine Antiochia dicta est, necesse est remanere hujus loci situm obscurum. Ego verò potius dixerim Gozan in Media esse, ejusque regionis provinciam, vel tractum esse. Probari id è Scriptura potest, siquidem 4 Reg. 17. v. 6. & Cap. 18. v. 11. post illa verba, juxta fluvium Gozan, vel fluvius Gozan, ubi Israëlitis dicuntur constituti, mox subditur, in civitatibus Medorum, quæ addituncula referri posset aliquomodo ad vocem præcedentem: nisi fortè quis dicat, quod magis probò, illud, in civitatibus Medorum, ad nullum antecedentium referri, sed novum esse membrum, cum in Hebræo præponatur particula copulativa, & in civitatibus Medorum: esto mihi persuadeam Gozan regionis tractum esse in Media, unde & illud quod subditur hunc sensum habebit, in civitatibus Medorum, hoc est, & in aliis civitatibus Medorum. Hala tamen & Habor in Assyria propriè dicta statuendæ sunt, uti fufius dicam ad 4 Reg. 17. v. 6. IDEM.

8. Vocis interpretatio è manuscripto illo Eusebii excidit. IDEM.

1. Dixi-